

Namo tassa bhagavato arahato sammāsambuddhassa

## Nītimañjarī

1. Kulakkhaye vinassanti,  
Kuladhammā sanantanā;  
Dhamme natṭhe kulaṃ sabbam,  
Adhammo abhibhū khalam.
2. Adhammābhibhavā dantā,  
Padussanti kulitthiyo;  
Thīsu duṭṭhā sva dhammena,  
Jāyate vaṇṇasaṅkaro.
3. Piyaṃ bhāse guṇaggāho,  
Sūro siyā vikantano;  
Dātā candasamā nārī,  
Diṭṭham diṭṭham nahāsaye.
4. Kutotthi kumitte saccam,  
Kudāre rativaḍḍhanam;  
Kudesamhi mano rammaṃ,  
Kurāje bhogasampadam.

Saṅketeva amittasmiṃ,  
Mittasmiṃ pi navissase;  
Abhayā bhaya muppannam,  
Api mūlāni kantati.

Adiṭṭhova paro seyyo,  
Dummitto no vissāsiko.

Aggihomaphalam vedo,  
Satthamṣīlaphalam matam;  
Ratiputtaphalam nārī,  
Dānabhuttiphalam dhanam.

Asaccam sāhasam māyā,  
Mūlhatta ma tilobhatā;  
Asocam niddayattañca,  
Thīnam dosā sabhāvajā.

Jāyāya bhattuno bhāro,  
Sissena guruno kato;  
Amaccakehi rājassa,  
Pitarānam nijenaca.

5. Uyyamena hi sijjhanti,  
Kammāni na manorathā;  
Na hi suttassa sīhassa,  
Pavīsanti mukhe migā.

Atisītam atiuṇham,  
Atisāyamidam ahu;

Iti visaṭṭhakammante,  
Khaṇā accenti māṇave.

Ādānassa padānassa,  
Kattabbassa ca kammuno;  
Khippaṃ akayyamānassa,  
Kāle pivati sampadaṃ.

Nādabbe nihitā kāci,  
Kriyā phalavatī bhavē;  
Nabyāpārasatenāpi,  
Sukova pāṭhate bako.

Yo dandhakāle tarati,  
Taraṇīye ca dandhaye;  
Sukkhapaṇṇaṃ va akkamma,  
Atthaṃ bhaṅṅjati attano.

6. Yaṃ dadāti yaṃ bhuṅṅjati,  
Tadeva dhanino dhanam;  
Aññe matassa kīḷanti,  
Dārehipi dhanehipi.

Dānopabhogahīnena,  
Dhanena dhanino sukham;  
Ko viseso daliddassa,  
Adhikaṃ dhanarakkhaṇam.

Nijasokhyaṃ nirundhanto,  
Nīcabhogo mitampaco;  
Dhanam sañcayate yo so,  
Parabhāravaho pasu.

Yaṃ ussukā saṅkharonti,  
Alakkhikā bahuṃ dhanam;  
Sippavanto asippāvā,  
Lakkhi vā tāni bhuṅṅjati.

7. Sampatyam mahatam cittam,  
Bhave uppale komalam;  
Vipatyamca mahāsela,  
Silāsaṅghātakakkasam.

8. Asambhabyaguṇam thutvā,  
Khedo mudhāva jāyate;  
Avhāyam canda mu llokya,  
Nacandota mu pāgamī.

9. Saccam mukhamhi dhāreyya,  
Kaṇṇe sutam bhuje jayam;  
Hadayamhi khamam vīram,  
Lokādāsaṃca locane.

Saddamattam naphandeyya,  
Aññatvā saddakāraṇam;

Saddahetuṃ pariññāya,  
Pamodo vā bhayo tathā.

Sabbasuta ma dhīyeyya,  
Hīnamukkaṭṭhamajjhimam.

10. Dunnāriyā kulaṃ suddham,  
Putto nassati lālanā;  
Samiddhi anayā bandhu,  
Pavāsā madanā hirī.

Lālaye pañcavassāni,  
Dasavassāni tālaye;  
Pattetu soḷasevasse,  
Puttaṃ mittama ācare.

Lālāne bahavo dosā,  
Lālāne bahavo guṇā.

Pāpā nivārayati yojayate hitāya,  
Guyhāni gūhati guṇaṃ pakaṭṭikaroti;  
Āpattikañca najahāti dadāti kāle,  
Sammitta lakkhaṇamidaṃ pavadanti santo.

11. Dujjano jīyate yutyā,  
Niggahena nadhīmatā;  
Nipātyate mahārukkho,  
Tassamīpa khatikkhayā.

Vane migāca luddhānaṃ,  
Dujjanānañca sajjanā;  
Akāraṇaverī honti,  
Tiṇabhakkhā supesalā.

Pādalaggaṃ karatṭhena,  
Kaṇḍakeneva kaṇḍakam.

Bālaṃ napasse nasuṇe,  
Nacabālena saṃvase;  
Bālenāllāpasallāpaṃ,  
Nakare nacarocaye.

12. Upa kattaṃ yathā khuddo,  
Samattho natathāmahā;  
Kūpo hi hanti pipāsaṃ,  
Natu pāyo mahambudhi.

13. Ādānassa padānassa,  
Kattabbassaca kammuno;  
Khippaṃ akaramānassa,  
Kālo bhakkhati taṃ rasaṃ.

Nakkhattaṃ paṭimānentaṃ,  
Attho bālaṃ upajjhagā;  
Attho atthassa nakkhattaṃ,

Kiṃ karissanti tārakā.

Ajarāmarova pañño,  
Vijjamatthañca cintaye;  
Gahitoviya kesesu,  
Maccunā dhammamācare.

14. Vajjā gurūca mantīca,  
Tayo raṭṭhābhisaṅkhatā;  
Jīvīta dakkha kosānaṃ,  
Vaḍḍhanā nāsanāca te.
15. Thirena kammaṃ vaḍḍhati,  
Athirena turena no;  
Phalanti samaye rukkhā,  
Sittāpi bahuvārinā.

Vāyāmetheva puriso,  
Nanibbindeyya paṇḍito.

Payatano tādiso neva,  
Kayyo yena phalaṃ nahi;  
Selagge kūpakhaṇanā,  
Kathaṃ toyasamāgamo.

Ñāṇāṅkusena sammaggaṃ,  
Niiyyatyussāhakuñjaro.

Asamekkhitakammantaṃ,  
Turitābhi nipātināṃ;  
Tānikammāni tappenti,  
Uṇhaṃ va jjhohitaṃ mukhe.

16. Chaddosā puriseneha,  
Hātabbā bhūtimicchantā;  
Niddā majjaṃ bhayaṃ kodho,  
Ālasyaṃ dīghasuttatā.

Na divā suppasīlena,  
Rattimuṭṭhānadessinā;  
Niccasonḍena mattenā,  
Sakkā āvasituṃ gharaṃ.

Abhetabbamhi bhāyanti,  
Bhāyitabbe nabhāyare;  
Bhayābhaya vimuḷhā te,  
Jimhānugā ujuñjahā.

Yassa mānussabhūtassa,  
Natthi bhogāca sippakaṃ;  
Kiṃ phalaṃ tassa mānussaṃ,  
Dvipādaṭṭho hi so migo.

17. Nānopāyova kattabbo,  
Sace bhaveyya attano;

Atthasiddhi yathākāmaṃ,  
Upāyo hi hitañjaso.

Lañjadānabālisena,  
Kūṭaḍḍakāradhīvarā;  
Vinicchayamahāmacchaṃ,  
Oṭṭenti lobhasāgare.

Yassete caturo dhammā,  
Vānarinda yathātava;  
Saccaṃ dhammo dhīti cāgo,  
Diṭṭhaṃ so ativattati.

18. Vidvāca ratanaṃ nārī,  
Viñā sātthaṃ giraṃmahī;  
Guṇavisesa māgama,  
Guṇāni aguṇānica.

Dhanavā balavā loke,  
Dhanā bhavati paṇḍito.

Sumane nissito kīto,  
Nigguṇo hīnako sayama;  
Taṃ pupphehi maṇḍentānaṃ,  
Raññaṃ siropi rohati.

Alakkhikehi sañcītā,  
Dhanabhogāca cintitā;  
Lakkhikassa bhavantete,  
Lakkhivā suṭṭhubhuñjati.

Khattiyo seṭṭho jane tasmim,  
Yo gottapaṭisārino;  
Vijjācaraṇasampanno,  
So seṭṭho devamānuse.

Visāpi amataṃ gaṇhe,  
Gūthato maṇimuttamaṃ;  
Kaṇṭakapādapā pupphaṃ,  
Thirataṃ dukkulā vamaṃ.

Dhanissarādiguṇommi -  
Vegena vāhitā pajā.

19. Yassa tthi satataṃ mettā,  
Sabbalokasuvallabhā;  
Kūpāyate samuddopi,  
Aggi tassa jalāyate.

20. Sakkharāyati merūpi,  
Visabhakkho sudhāyate;  
Sasāyate migarāja,  
Byālo mālāguṇāyate;  
Dolāyate chamācālo,  
Nānāvudhā tiṇāyare.

21. Sameva sati ussāhe,  
Sukhavāho hitaṅkaro;  
Ūne-dhike tathā nohi,  
Majjhago sādhu sabbadā.

Sādhu kho paṇḍitonāma,  
Natveva atipaṇḍito.